

Daeg Mbauq Mbanjcuengh Gaenx Maenh Ndeu

□ Lwg Byacwx

Ciuhvunz dinjdetdet baez yaep da couh gvaqbae, miz mbanj boux gvaq ndaej cwxcwx caihcaih faen ngaenz mbouj nem ndang, miz mbanj vunz gaenx guh ak ngvanh dinfwngz maenh, yienznaeuz daengx ciuh dwgrengz hoeng dawz aen ranz guh dwk hoengh caiq fouqmiz, vunz rog raen cungj haenh. Lajneix gou daeuj gangj daeg mbaug gaenx guh ak ngvanh dinfwngz maenh he.

De dwg boux lwg daegbeix gou, heuhguh Daegcaiz, noix gou 4 bi, gou ngamq ndaej 4 bi hix deng de heuh daxau, de ngamq cunghconh bizyez, youq aen danhvei Namzningz he hwnjban guh dengungh, dwen daengz gizneix gou couh lai lwnh sou nyi de baenzlawz ndaej hauej aen danhvei Namzningz bae hwnjban. De bizyez le itcig youq Namzningz Sambonj Daih-laeujdiemj guh dengungh, mwlnwnq Namzningz hwng dwk heiqbaizgiuz, gak aen danhvei cungj laeb aen doih ndeu daeuj caeuqfaenh gij doxdax heiqbaizgiuz, cingqngamj daeg mbaug neix dwk heiqbaizgiuz ak raixcaix, boudaeuz aen danhvei rox couh naemj banhfap dawz de gvaqbae hauej ndaw bae guh dengungh, caemhcai q hauej aen doih heiqbaizgiuz bae.

Daegmbauq neix dinfwngz ak, de rox cang raemx cang dien h, de bae aen danhvei Namzningz le, dangh-naeuz roengzban ndaejhoengq, de

couh bae ra hong guh, bang ranz moq bouxwnq rag dien h cie p raemx, guh sat dauq ranz ndeu couh ndaej ngaenzhong geij cien maenz. De gig roxsoq, bonjfaenh ra ndaej geijlai ngaenz couh sai geijlai, mbouj miz ngaenz yungh couh bae ra hong guh canh cien z, de mbouj lumj bouxwnq faenfaen yaek laeng bohme h aeu. Miz baez ndeu youq dangqna j gou, daxboh de ndenq 2000 maenz ngaenz hawj de naeuz: “Mwngz ngamq baenzgya, lwg youh yaek doegsaw, aeu gij ngaenz neix bae yungh bae.” De doq han mbouj aeu doq byaij ok dou bae.

Geij bi gonq Vujmingz hainduj ndaem makgambiz, de roxnyinh ndaem makgambiz canh cien z couh maranz nem bohme h gangj yaek ndaem, daxboh de dai cungj mbouj hawj de ndaem, lij naeuz: “Mwngz youq Namzningz hwnjban caiq dauq-ma mbanjranz ndaem mak, daengz mwhde guenj mbouj gvaq lij siedbonj dem; mwngz mbouj ma guenj hawj bouxlaux bae guenj dwgrengz lai lo.” De han naeuz: “Gou yaek cawx ranz cawx ci gag di ngaenz hwnjban daengz ngoenz lawz cij rom ndaej gaeuq, gou gag ma ndaem coumued gag ma guenj.”

De gangj daengz guh daengz, singhgizhaj roengz ban le couh ma mbanjranz, mboujguenj fwn doek byaj raez roxnaeuz ndithaenq rumz rengz,

singhgizroek caeuq ngoenzsinghgiz de cungj youq ndaw suen mak guenj mak. Ndaem mak hong lai: Bi dawz bwnh song baez aeu vat gumz song baez, ndwen sat song sam mbat yw, cawz nyaengq mbouj dingz, daet nyod, miz mak le yaek aeu faex aeu cag ma lamh hwnjdauej mbouj hawj aen mak daemj doem, roeb daengz mbwnrengx lij aeu raemx bae dwk mak, hoeng de gag guh gag haengjheiq, bineix ndaw suenmak de noix cungj miz 7 fanh gaen mak. De deng ndit cik dwk ndaemndaem ndingnding bae daengz Namzningz le gyoengqdoi h cam de bae guh maz cik ndaej baenzlai ndaem? De yaeh naeuz bae henz haij youz deng cik ndaem la. Ndaem 5 bi mak

le, de ndaej cawx ci cawx ranz lo.

Mboengqgonq gou cam de: “Bineix gai mak sat le bae gizlawz lijyouz ha?” De naeuz: “Gij ngaenz gai mak faen baenz sam faenh, faenh ndeu aeu hawj bohme h, faenh ndeu roengz gie k ranzcoj, faenh ndeu aeu ma guh ngaenzgoek suenmak.” Nyi de gangj le gou roxnyinh daeg neix gvai dangqmaz, mbouj yungh cam gou cungj rox de yaek youq geij bi neix buek guh yaek rom ngaenz bae soengq lwg doegsaw, doeklaeng lwg doxaeu, ciengx laux bonjfaenh, gou guh daxau gag nyi gag najnyaenq caemh vih ndaw gyog gou miz boux vunz maenh neix angq raixcaix.



Ndoeng goraeu nding Dwzbauj.

Roen Baenaj Gvangqlangh

□ Guj Gyah Ganh Vwnzswng / 古佳 甘文胜

Cibgouj Daih haihoih,
Gangj mbouj noix diuz daez,
Siz Ginbingz yawj gyae,
Gangj lae lumj raemxmboq.

Cibgouj Daih gangj naeuz,
Hawj raeuz duet gungz hoj,
Hanh bae daengz bi moq,
Duet hoj caeuq duet gungz.

Cibgouj Daih baugau,
Gangj hau lumj dufai q,
Haenqrengz guh dahraix,
Cij byaij ndaej daengz gwnz.

Bouxmbanj caeuq bouxrung h,
Miz boux gungz boux hoj,
Daihgya daeuj bangcoh,
Bouxhoj haenh mbouj dingz.

Bouxmbanj caeuq bouxrung h,
Gungzhoj mbouj hawj nem,
Vid dinvaq vid gen,
Haenq rengz doengzdoi h guh.

Cibgouj daih gangj ndei,
Diuzdiuz ngeix beksingq,
Seizneix bae yw bingh,
Lij lingh bouj ndaej ngaenz.

Gangj daengz ceih fujbai,
Vunzlai bouxboux angq,

Bouxlawz dwg vunz famh,
Couh fan de roengz daiz.

Ceih fujbai roengz daiz,
Raeuz vunzlai cij onj,
Dangj daiq raeuz byaij gonq,
Onj lumj ruz cib cauh.

Miz roen youh miz dien h,
Fuengbien h raeuz baenzlai,
Okrog roen mbouj byaij,
Bae gai miz ci naengh.

Ndaw mbanj caeuq gwnz haw,
Lumj baujcaw fat rongh,
Gaeq haen sam daengz byongh,
Daeng ndongq lumj daengngoengz.

Gaen riengz gungcanjdangj,
Byaij siujgangh daengz biengz,
Siz Ginbingz swhsiengj,
Raeuz yienghyiengh aeu geiq.

Cwngcwz dingh ndaej ndei,
Sim heiq(nyap) bienq vuenyungz,
Bouxmbanj caeuq bouxrung h,
Cungj doxlumj fatcaiz.

Cibgouj Daih ndei lai,
Nai mbouj sat mbouj caenh,
Gaen riengz gungcanjdangj,
Roen baenaj gvangqlangh.

· Sawcuenhraez Lwgnyez ·

Gij Golwgnyez Henz Dahhoengz

□ Lanz Haijyangz Moz Beibei / 蓝海洋 真蓓蓓

“Ai! Couhdwg boux gvan dahsau haenx?”

“Deng! Caen hojlien z ha! Dahsau haenx haq bae ngamq seng le laeq daeglwg bizbyoby o, ngamq ndaej ndwen he ne, boux gvan de couh deng caeggeq goenjcu g bae lo.”

“Neix caen gvaqbou h lai lo.”

“Deng ha, ndigah ngoenz daihngeih ndaw singz baij bing gvaqdauej, youq lajdi n gaemhdawz le daegmbauq haenx.”

“De vihmaz mbouj riengz caeggeq caez buetdeuz ne?”

“Aiq dwg ciengigiep seiz ga deng sieng lo, byaij mbouj ndaej luba!”

Dai q yaepyaep da, hobhob naengbak nyaeuqciu, ndwnj gaemz myaiz he le, laebdaeb naeuz roengzbae: “Gyoengq bing couh dawz de daengz ndaw singz bae gyaeng hwnjdauej, baez gyaeng

couh gyaeng le song sam bi, gij reihnaz caeuq ranz de hix deng mozsouh gai bae lo, daxmeh de hix daibingh lo, caeklaiq doeklaeng bouxmbauq ranz miz ngaenz deng caeggeq gaemh bae haenx daj gwnz bya deuz dauqma, de cij ndaej cuengq okdauej, maranz seiz gaenq gingj bienq vunz liz, saek boux vunzcaen hix mbouj youq lo.”

“Bemx! Byawz hawj de bae guh caeggeq!”

“Hoeng de cungj lij dwg bouxvunz, vunzmbanj yawj cik ga ndeu de gaenq naeuh lo, moix ngoenz couh ninz youq gwnz mbaeklae miuhaenzvangz, lij mboujyawx boux gaujvaq, ndigah cij yienzlien gh de, caezgya hawj di haeux byaek hawj de gwn, youh youq gizhoengq baengh bangxd at baihlaeng miuhaenzvangz dap aen ranz namh hawj de youq……”

(caengz sat)